

9

袁世凱
與袁世凱
評

沈從文主編

客
唐
五
第
和
子
記

(全)

海文
行印社版出

袁世凱史料彙刊

沈祖憲·吳閨生編纂

容庵弟子記

文海出版社印行

記美容

子金

中華民國二年
二月校印



容菴弟子記卷一

沈祖憲
吳國生 編纂

大總統袁公世凱河南項城縣人前清咸豐九年八月二十日生於縣北之張營因亂徙居營東二十里築寨聚處是曰袁寨時捻匪出沒皖豫間常游弋寨外焚掠附近村舍羣兒駭走公方五齡家人負之登陴縱觀萬衆沸騰略無懼色其膽識堅定由天賦也本生父受臣公保中奉重慈家居籌辦團防保衛桑梓胞叔篤臣公保慶爲端敏公甲三從子從端敏公暨毛文達公祖熙轉戰皖豫間年四十無子愛公以爲嗣同治五年公八齡從篤臣公宦山東延師明經王志清授讀穎悟過人師導遊明湖入鐵公祠從師問鐵公事實太息流涕携入劇場遇演忠

孝事蹟樂觀不倦荒唐神鬼輒屏不視師大奇之七年冬篤臣公以道員發往江蘇差遣公侍行過淮安張中丞汝梅留度歲極愛重公許其遠到八年僑寓楊州復移江寧江督馬公新貽以營務悉委篤臣公時大亂之後伏莽充斥瘡痍滿目篤臣公督緝撫循罕歸私第公髫齡應事親友悅之其間馬公新貽被刺曾公國藩即世閭城驚惶謠言四起公督率家人閉門謹守處之坦然受臣公篤臣公素講宋儒之學本生母劉太夫人嗣母牛太夫人訓戒皆嚴公奉侍左右能得歡心與仲兄厚甫公世敦叔兄清泉公世廉同學攻苦以道義相敦勸公喜遊覽山水復善騎課暇輒策馬登覽清涼山雨花臺莫愁湖太平湖諸勝迹兩兄戒之不能已時年僅十二三控怒馬無仆蹶頗具英

勇之概焉業師孝廉曲沼兼精武技以公有膂力教之拳勇體格愈強十二年五月篤臣公卒於江南鹽巡道任所江督李公宗義奏請附祠立傳公哀毀骨立病五閱月劉公銘傳吳公長慶與篤臣公爲莫逆交代治其喪見公皆器重之是年冬扶柩兼奉祖母王太夫人嗣母牛太夫人還項城卜葬篤臣公於袁寨之右十三年春從叔文誠公保恒歸省見公偉異命偕清泉公入都從從叔子久公保齡肄業公不喜爲章句之學潛求經史大義尤好讀兵書師禁之乃晝習詞章夜究兵書又喜讀左氏傳制藝宗周犢山試律愛劉西澗胸襟豪邁於此可見光緒元年八月受臣公卒於里第赴至京清泉公先回籍子久公以公降服不令歸公哀病失血咽喉潰爛如蜂房久不愈周閣學

壽昌診治藥數十劑始痊可冬文誠公由陝甘轉餉被召還朝任戶部左侍郎督課加嚴公益奮勉從謝孝廉廷萱學文周孝廉文溥學詩張太史星炳學卷楷晝夜並進每寢不及二三時文誠公入值公尙未寢黎明散歸公已就讀文誠公慮其過勞常戒抑之二年秋降服闋南歸應鄉試不第九月于夫人來歸公年十有八矣三年正月復入都讀書文誠公調刑部事愈繁重公常作文論有所陳說諷諫文誠公輒手批嘉勉喜其留心時事每訓勵之曰汝思慮太多防患太深遇大事恐難立斷公服膺斯言不忘冬文誠公奉朝命幫辦河南賑務携公同行有密要事案均令往查並參佐一切時當隆冬公馳驅冰雪之中面手皴裂然不稍懈常匿居開封東門外之何氏別墅不與官

吏交接四年夏公以牛太夫人疾歸省五月文誠公委時疫隻身臥行館以手書招公來公即星夜奔赴至省則已薨矣料理身後一切並檢點公私未了各事措置井井有司承大吏命月致飲食費三百金公辭以先叔自備資斧未用分文公帑何可於身後拂其志堅却不受未幾涂公宗瀛任河南巡撫公舉文誠公未竟之事及委員查賑情形各密件並加註說封交涂公涂公雖下車伊始得瞭然庶務有所藉手乃以千金購冥資奠文誠公之靈云申感謝之意其牧令玩視賑務者即分別參撤人咸驚服涂公神明而不知其端實發自公也七月子久公拂文誠公子世勳來汴咸服諸事皆已就緒釋奠後公先回陳州預備一切子久公攜世勳扶柩歸暫停郡城宅內旋即還京留

公在鄉延堪輿家卜宅兆十二月于夫人生長子克定於陳州時公伴地師吳佑文遠出覓地晚歸始知得子入試啼聲喜爲英物即馳函報告牛太夫人以慰望孫之心焉公家居多暇嗜酒好騎馬日飲數斗馳騁郊原值攷試又喜爲人捉刀士林有微辭公聞而痛自後改糾集同志立麗澤山房及勿欺山房兩文社分門講習公主其事捐資供給食用嚴汝誠任鎮南高景祺錢松韻皆社友也公性任俠喜爲人鳴不平慷慨好施與以善爲樂寒士多依爲生士紳推戴負一郡望時吳公重憲守陳州約公爲詩酒友雅敬愛之天津徐相世昌以孝服館淮寧縣署往遊公別墅聞者外出公方在仰山堂讀書徐公不問主入逕入公起立揖談互相傾服遂定交徐公無力入都應試公助

以川資始克成行公以姊喪赴商城楊侍郎貽堂家會葬道潁
州程軍門文炳方退居與有舊留公小住縱談兵略偉公議論
謂似久歷行間者毛公昶熙歸葬其母公以至戚亦往會毛公
屬爲欸待賓客段學士晴川年已八旬審視公久之語毛公曰
此誰家子弟酷似李子和少年時非凡品也子和者李公鶴年
時方督東河也道員張向宸辦河南賑捐囑公分辦陳州捐務
集款獨鉅五年以文誠公捐賑款移獎公中書科中書秋應己
卯鄉試同社獲雋二人公在社中常列前茅竟不與乃傾篋舉
所作詩文付之一炬曰大丈夫當效命疆場安內攘外烏能離
艱久困筆硯間自誤光陰耶六年冬慶軍統領吳武壯公長慶
幫辦山東海防稔知公才調赴登州賓之幕中嗣委會辦營務

倚如左右手七年秋以文誠公安葬假歸冬回防八年夏朝鮮前王無子以其弟李是應子熙繼統是應有雄略執政柄境內治安熙長寵閔妃妃險驚奪是應政權以戚黨諸閔代之兩黨積不相能諸閔貪殘驕侈無度軍民交怨會兵餉十閱月不發饑軍譁潰亂民附之是應陰嗾亂民戕諸閔曳妃出宮將殺之遇救免攜其子匿忠州閔應植家亂黨波及日本人之旅居韓境者日人發兵入韓京韓官金允植魚允中因事在津乞援於署直督張公樹聲樹聲入告朝命吳長慶督師東渡公奉檄赴津謁張督商度部署調兵運械各事七月偕水師統領丁公汝昌率各船回防濟師復偕丁公先赴韓境沿海一帶盪杉板探查陸兵下岸處中途潮退舟膠於灘公及丁公赤足履砂石行

里許迨登岸兩足皆破裂丁公笑曰紈袴少年亦能若是耶遂
勘定由馬山浦登岸歸曰吳公分調各隊陸續咸登遂偕將士
露宿荒野日本兵隊由仁川口登岸帆檣相望彼此戒嚴清軍
以久無戰事紀律稍弛分起開行稽查難周姦淫擄掠時有所
聞吳公以爲恥商請公設法整飭部將多吳公舊侶素騷縱復
多譏阻公因曰禁騷擾不難得帥信非易耳吳公默然逾日滋
擾愈甚公入帳請吳公出外仰觀山坡遺物堆集吳公問何物
公曰兵丁掠民聞什物其粗劣者委棄於道也又曰王師戡亂
紀律若斯遺笑藩封玷辱國體帥其勉旃我請從此辭矣吳公
大驚變色誓曰請汝放手爲我約束有聽譏謗者非吳氏之子
孫公乃傳令各營有入民居及雜伍者斬適有犯令者立斬數

人傳示有韓紳控姦戕其婦者公徒步往查親督搜捕竟日夜不食卒獲犯手刃之厚恤韓紳家滋擾稍斂然仍未絕公白吳公曰徒戮兵丁無益其約束不嚴之官弁須加懲治乃可吳公然之檄公總理前敵營務許以便宜行事乃擇官弁中約束尤疏者撤辦數人將士懾服不敢犯秋毫軍聲乃振分統提督黃仕林泣訴於吳公謂公枉殺吳公瞋目叱責遂無敢再進讒者兵民由是相安韓人謳思歷久不忘至爲公立生祠歲時瞻拜清軍由南陽水原進發抵韓京南門外支帳屯紮道員馬建忠建議以是應赴華然後捕治餘黨張督樹聲採其策密檄施行議俟是應來營答拜即昇之行吳公令公密爲布置是應至營護從甚衆公遣兵阻於外引是應入與吳公筆談是應寒暄畢

覺有異書曰將軍將作雲夢之游耶吳公尙支吾不忍發公握刀在側曰事已露遲則生變即促人扶是應入肩與里夜趨馬山浦登兵輪送天津適李相鴻章墨絰回北洋任以是應赴保定安置吳公令公入城拘留韓大將王胞兄李載冕勒令捕交亂黨夜深未獲一人適韓王函請遣兵勦辦亂兵巢穴利泰院枉尋里兩屯公立即率隊馳往黎明合圍黨衆初猶抗拒旋即散走獲其中強悍者百餘人解回營請吳公鞠問擇尤悍者誅十人餘悉遣之日本與韓廷亦締約歸好事遂大定慶軍大營移紮東門外關帝廟先是公居宿營帳數十晝夜適多雨常衾枕盡濕不能眠兀坐達旦至是始得居斗室病作劇熱夜深黃士林自城南遣人來報見有多數日人白衣渡江將襲其壘亟

待援助吳公招公起令率兵二百往援公曰日韓甫成約斷無
與我開衅理果有之二百兵亦無濟請先往察看乃力疾帶四
騎馳二十餘里至江岸天微明一無所見詢諸土人乃昨夜有
巨室殯葬曾由此渡始知黃仕林張皇輕報歸告吳公軍中益
服公之膽識甲午之役黃士林果棄旅順潛逃捕獲死於獄事
定論功吳公以治軍膽肅調度有方爭先攻勦尤爲奮勇等語
首論列公咨李鴻章張督樹聲會奏請獎九月初一日奉旨以
同知用並賞戴花翎時韓人交涉事繁操防多故吳公延通州
張譽入幕寄以內事而外事悉委之公令諸將及韓官造謁取
決焉時公年二十有四日本以花房義實爲駐使近篠直鋤島
村久竹添進一郎繼之吳公亦令公與之酬酢焉初閔妃遁匿